



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XIV. Quod qui personatui renuntiat, & pensionem soluit, non potest inniti
institutioni.

urn:nbn:de:hbz:466:1-15588

ANNO CHRISTI 1179. tum fore ex vtraque parte constat , sint recipiendi : & vtrum testibus in prima causa receptis , præter causam appellationis liceat aliquid noui proponere super quæstionibus iudicatis. Licet igitur nobis ex his non plene innotuerit , vtrum testes super eisdem vel nouis capitulis a partibus desiderant induci ; quia tamen iurisprudentium copiam non habebant , nos super hoc consulere voluisti : hoc tibi duximus respondendum , quod si in prædicta causa contigerit emergere capitula , super quibus aliqua partium voluerit nouos testes inducere , vel per iam receptos aliquid comprobare , eos credimus super nouis dumtaxat capitulis fraternitatem tuam posse recipere , receptis prius ab ipsis secundum formam recipiendorum testium iuramentis.

CAP. XIII.

Idem Exoniensi episcopo & abbati sancti Albani.*

Innotuit nobis R. quod VV. clericus capellanus eius & alios quamplures de testibus suis iuramento adstrinxit , quod nec testimonium vel consilium vel auxilium eidem R. contra ipsum præberent. Ideo publica auctoritate vobis iniungimus , vt si testimonium illorum publicatum non est , & non est abrenuntiatum testibus , eos qui sunt iuramento adstricti , & alios , si necesse fuerit , idoneos , quos ipse in testimonium produxerit , recipere non postponatis.

Cafus vbi
aliquis con-
tra iuramen-
tum suum
licite veni-
re possit.

CAP. XIV. *Idem decano Cicerrensi.*

Literas * Exoniensis episcopi suscepimus , continentes quod cum VV. clericus ad præsentiam VVillelmi nobilis viri accessisset , orans & supplicans , vt eum in personam eiusdem ecclesiæ admitteret , quidam clericus E. nomine , in eadem inuentus est ministrare , dicens se a bonæ memoriaræ R. prædecessore suo legitime institutum. VV. vero obiiciebat , etiamsi facta fuit institutio , prædictum E. non posse inniti , quia capellano domini personatum renuntiavit , & sub annua pensione ab illo tamquam a persona vicariam recepit , & sic post obitum illius ecclesiam vacare assueravit. Sed quia verisimilitudinem non habet , quod prædictus E. personatum ecclesiæ prælibatae capellano

Concil. Tom. 27.

Aaaa

prænominati R. cesserit, & ab eo ipsius ecclesiæ vicariam acceperit, præuideas attentius, vt memorati VV. super hoc probationem recipias, nisi hoc communis fama loci habeat, vel tales personæ appareant, de quibus verisimile sit quod non debeant deierare: Quoniam sæpe contingit, quod testes corrupti precio facile inueniantur ad falsum testimonium proferendum.

C A P. X V.

*Idem abbatij & fratribus monasterii sancti Michaelis
de * Martura.*

Causam quæ vertitur inter vos & dilectos filios nostros, plebanum & clericos plebis sanctæ Mariæ de * Martura, iampridem filiis n. * Volterrano archiepiscopo & abbatij de Spongia commisimus, appellatione remota, fine debito terminandam. Cumque vtraque pars propter hoc in eorum præsentia esset constituta, & testes essent hinc inde recepti, & eis ab vtraque parte renuntiatum, & attestations vtriusque partis publicatae, quoddam priuilegium nuper a nobis impetratum in medium protulisti, asserentes vos quædam alia munimenta a nobis impetrasse, quæ rationes prædictæ plebis obscurare & impedire videntur, quod causa ipsa nondum potuit terminari. Quia vero sollicitudini nostræ incumbit, vtrique ecclesiæ iura sua conservare integra, ac litibus & contentionibus finem impnere, iudicibus ipsis præcipiendo mandamus, vt partes ante suam præsentiam conuocent, & super aliis capitulis, si qua alia sint, ab his super quibus testes sunt recepti, & eorum attestations publicatae, rationes diligenter hinc inde audiant, & testes, si qui idonei fuerint, recipient, & in illis capitulis nuper per nuntios vestros a nobis impetratis, quæ continentur in priuilegio nostro, vel in aliis literis quas vobis indulsimus, postquam causam ipsam eisdem commisimus, prædictæ causæ impedimentum præstantibus, concordia vel iustitia mediante, decident. Et quia venerabilis frater noster Florentinus episcopus per suas literas nobis intimauit, quædam capitula priuilegio nostro, quod monasterio vestro nuper indulsimus, esse inserta, quæ obvia rationi videntur: per præsentia scripta vobis præcipimus, mandantes, quatenus